



Bou ons kinders vir môre

Sondagskool 3

Lestitel: Josef word verkoop

'n Ouerhandleiding

Sondagskooltuisonderrig



Liewe Ouer

Welkom by die les: “**Josef word verkoop**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Josef word verkoop
Bybelwoord	Genesis 37: 12-36
Lesdoelwit	Die kinders leer dat haat en jaloesie verskriklike gevolge kan hê as ons daarop reageer. Hulle leer ook dat die Here soms toelaat dat dinge gebeur wat ons nie kan verstaan nie, maar Hy is altyd naby aan diegene wat op Hom vertrou.

Lesopsomming:

Die les handel oor hoe ons nie altyd verstaan wat in ons lewens gebeur nie, maar dat ons altyd op God kan vertrou.

- Jakob het Josef gestuur om te gaan kyk of alles wel is met sy broers waar hulle die kleinvee in Sigem oppas.
- Josef was opgewonde om sy broers te sien, maar toe sy broers hom op 'n afstand sien, het hulle jaloesie en haat opnuut opgevlam en verblind deur woede het hulle beplan en besluit om Josef dood te maak.
- Ruben, die oudste broer, het hulle egter gekeer: "Moenie bloed vergiet nie, gooi hom in hierdie leë put wat in die woestyn is...". Die broers het saamgestem. Ruben het heimlik gedink dat hy later vir Josef sou red, wanneer die ander slaap.
- Wanneer Josef sy broers bereik, skeur hulle sy nuwe jas af en gooi hom in 'n droë put.
- Terwyl hulle aan die eet was, het hulle gesien hoe 'n groep Ismaeliete na Egipte reis. Juda het toe vir sy broers gesê: "Laat ons Josef nie doodmaak nie; laat ons hom aan hierdie Ismaeliete verkoop." Toe trek hulle Josef uit die put en verkoop hom vir twintig silwerstukke.
- Ruben was nie by sy broers toe dit gebeur nie, en toe hy Josef nie sien nie, skeur hy sy klere van hartseer omdat hy hom nie kon red nie.
- Toe het hulle die jas van Josef geneem, 'n bok doodgemaak en die jas in die bloed gedoop. Hulle neem toe die jas na Jakob en vertel hom dat Josef deur 'n wilde dier doodgemaak is. Jakob was hartseer en het lank oor sy seun getreur.
- Intussen is Josef in Egipte as slaaf verkoop.



Wat beteken hierdie les vandag vir ons?

- Weens hul haat, jaloesie en afguns wou Josef se broers hom doodmaak, maar God het Josef beskerm en in plaas daarvan het hulle hom aan die Ismaeliete verkoop.
- Die Here kan sy kinders nie altyd van ongeluk spaar nie, maar Hy troos en beskerm ons in nood.
- Dit het sleg met Josef gegaan, maar die Here was altyd na aan hom, al het Josef dit nie altyd gevoel nie. Die Here wou hom beskerm en seën.
- God is altyd by diegene wat op Hom vertrou. Selfs as ons nie kan verstaan waarom slegte dinge met ons gebeur nie, weet ons dat ons altyd op God kan vertrou. Hy gee troos, krag en beskerming, omdat Hy ons liefhet.

Onthou, God wil ons beskerm en seën. Selfs as ons sy weë nie verstaan nie, kan ons op God vertrou.

Sommige vrae wat ons kan vra:

1. Vra die kinders hoe hulle sou reageer indien hulle deur hul broers en susters in 'n droë put gegooi word.

Antwoord: Laat die kind antwoord

2. Praat met die kinders oor hoe jaloesie en haat ons kan verblind en ons aaklige dinge kan laat doen omdat ons kwaad is. Sommige mense beland selfs in die tronk. Ons moet leer om, ongeag wat ander aan ons doen of wat ander het, mekaar altyd lief te hê. God het ons almal lief en het planne om ons te beskerm en te seën.

3. Vra die kinders hoe God Josef beskerm het?

Antwoord: Ons lei die kinders om te verstaan dat al hierdie dinge met Josef gebeur het maar hy is deur God beskerm. God het verhinder dat sy broers hom doodmaak. En later sal ons sien waarom al hierdie dinge moes gebeur.

'n Gebed vir Pappa en Mamma om voor die les te bid:

Liewe God, baie dankie vir hierdie dag

Seën alle ouers en kinders

Mag ons u teenwoordigheid aanvoel

Seën die les wat ons gaan hê

Leer ons hoe om U te dien

En help ons om u wil te doen

Sodat ons nader aan U kan groei

Stuur Jesus om ons te kom haal

En mag ons gereed wees om Hom te ontmoet. Amen



'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.